

*Was füre Johr, es isch so wüt,
Scho isch wieder Wiehnachtszyt.
Corona lost s 2020 griesse,
Nei, mit dem hesch das Johr nid chönne versiesse.
Gstartet sin mr guet ins Johr,
Doch bald kriege sie sich in China ind Hoor.
Flädermüüs verbreite de neuí Begleiter schnell,
Zäck, isch Corona au bi uns aktuell.
Die ersti Welle rollt uf uns zue,
Mir montiere die schnelle Schueh.
Gitter und e Sprechbox mien ane,
Achtung, jetzt weht im Brüel e anderi Fahne.
Zämmehalt isch Priorität,
An d Grenze chömme mr mit de Kapazität.
Doch zämme sin mr de erste Welle entrunne,
Bis im Summer fast verschwunde.
De Herbst noht und es wird wieder chalt,
Schnuppe, Hueste, Fieber chömme scho bald.
Stäbli in Hals, Stäbli ind Nase,
Jetzt chunnt die negsti schwierigí Phase.
E Fall do und eine dort, scho isches gscheh,
De Stress isch do, hektisch wie jungí Reh.
Gspröch, Telefon, Zivis, Türsteher, Mundschutz, was weiss ich,
Dä Virus wietet bi uns wie e Viech.
Doch im Brüel lönn mr uns nid unterkriege,
Mit vereinter Kraft chönne mr ALLES zrecht biege!
S Beschte mache mir us dere Sach,
und halte dorum de Virus im Schach.
Dorum will ich Euch vo Herze Danke sage,
Uf Di chani zelle, gar keine Frage!
Astosse uf die gueti Zämmearbeit sötte mr nid,
drum gön dr elei e Schluck vo dem Sprit.
Uf e guets neus Johr stossi mit Euch in Gedanke aa,
MERCÍ dörfi Euch in mim Team ha!*

Die Geschäftsleitung «Im Brüel»